





16 poesia scirbi na Aruba entre 1847-1880: Dia 9 di juni na Archivo Nacional Aruba



ORANJESTAD(AAN)-- Dia 4 di juni señora Ellen Henriquez y señora Diandra Alders a traspassa pa Archivo Nacional Aruba un album di poesia cu ta data di 1847. E album di poesia tabata pertenece na señora Regina Jacomina Croes (1819-1897) y ta contene 16 poesia cu a wordo skirbi na Aruba entre 1847-1880.

Regina Jacomina Croes tabata casa cu e Frances Louis Bazin (1793-1853) cu tabata doño di e plantage "Mon Plaisir". Despues di e fayecimento di Louis Bazin, Regina Jacomina Croes a casa cu e Italiano Pietro Guisepppe Frigerio. (1823-1863)

E poesia nan a wordo skirbi door di:

Anthony Croes (1847), Constanca Thielen (1847), Louis Bazin (1847), Constanca Thielen (1847), Susanna Maria Schultz(1847), Frederik Bennebroek Gravenhorst (1847), Magdalena S. Croes (1850), Borchard S. Croes (1850), Anna E. van der Biest (1852), Jacob Thielen (1847), Anna E. van der Biest (1852), Pietro Guisepppe Frigerio (1861), persona desconoci (1870), Gerard Evert Zeppenfeldt (1870), persona desconoci (1870), Guiseppina M. Frigerio (1880)

Señora Ellen Henriquez y Diandra Alders ta tata y bisa-tatara nieta di Regina Jacomina Croes. Archivo Nacional Aruba ta gradici señora Ellen Henriquez y señora Diandra Alders pa e bunita gesto aki. E album di poesia por wordo admira na Archivo Nacional desde dia 9 di juni 7 'or di anochi. Diamars 9 di juni Archivo Nacional ta celebra dia di Archivo y señora Diandra Alders lo duna un presentacion riba e album di poesia. Archivo Nacional Aruba ta gradici señora Ellen Henriquez y señora Diandra Alders pa asina yudando ANA cu su tarea principal di preserva e historia y herencia cultural di nos pais y pone esaki disponibel pa nos comunidad y futuro generacionnan.

Archivo Nacional Aruba ta extende un invitacion cordial pa bin admira e album di poesia di Regina Jacomina Croes (1819-1897) riba diamars 9 di juni pa 7.00 p.m. pa 9.30 p.m. na unda lo tin un programa special cu diferente lectura y exposicion di cuadro. Riba diaranson 10 di juni y diahuebs 11 di juni por admira e buki di 1.30 p.m. pa 4.00 p.m. paso despues e buki lo wordo restaura door di e conservator di Archivo Nacional cual lo tuma 1 luna pa keda completa.